

ნომერი


ექვეყნება

დავით კლიაევილის

დაბადების 120 წლისთავს

ISSN 0132-6015

ქართული  
ბიბლიოთეკა



წ. კ. ბე რ

ნ. ს. ლ. მ. მ. მ.

# ნიუსთონ

2 83



დავ. კლდიაშვილი

ს.ს. შორაჩიძის

გაშლის ქართველი მამა-პაპათ ძვირფას სურათებს და საუკუნეს, მეცხრამეტეს, მიაყურადებს! „ბრძენი ილია!“ „გმირი ვაჟა!“ „ცეცხლი აკაკი!“ — ვიცით ცხოვრების დიდებულის მათის აუკარგი! ვიცით, რას იქმნდა უკვდავების ღირსი სამება, ბარათაშვილის, მარტოსულის, ვიცით ნამება!.. კი, ყველა ვიცით — არდათმოზის, თმოზის, მიყოლის, ორბელიანის ღენერლობაც ვიცით, გრიგოლის!.. მაგრამ ამ მკაცრმა, თვალჭროლამ და მიმინოს მსგავსმა, სერვანტესივით გამხდარმა და გამხმარმა კაცმა, ვინ, ვინ უმადლის, ანუ, კვითხო, კინ მეტყვის ახლა, სიცოცხლის რისკით სხვაზე მეტი კაცურად რაც ჰქნა?! შეფს „ჩერნომორსკი ვესტნიკისას“, რედაქტორს შევხვდნენ, ჩვენს ქართველ ხალხზე დიდმპყრობლურად აუგის მჯღაბნელს, ვინმე პალმს ვვარად, მიაფურთხა ცხვირ-პირში ზიზლით ხელთათმანი და გასწორება მოსთხოვა სისხლით!.. მაგრამ ამ კაცმა, — ვინც დაგვეჯღაბნა ბარბაროს ხალხად, — ნუ იტყვი, თურმე, მიცვალებულს ჩვენ ცუდად ვმარხავთ, — არა — საჩქაროდ, — წესისამებრ ძვირფასის მათის, — არამედ ვუხდით პარაკლისებს, მივაგებთ პატივს!.. კი! კი! ამ ჩვარმა, რა მიადგენ გმირი რაინდის სეკუნდანტები — კლდიაშვილის, დიდი დავითის — შემინდა, დაფრთხა, არ ინდობა შებრძოლებოდა და, რაკი ნამხდარს, კავკასს ალარ ედგომებოდა, მიხიკ-მოხიკა ხურდა-მურდა, დაზოგა ტყავი და, ლაფდასხმული, ოდესაში ამოყო თავი!.. ხოლო ვინ იყო კაცი იგი, ვისი დამარხვაც — ღირსი პატივით — არ მოსწონდა ჩვენს მტერს ხმაშალა?! გამოხატოვრის ნაცვლად ერზე პასკვილს სტამბავად! ვის ავინებდა?! აბდაუბდას თახსირს ლამბავად?! კაცს ფილასოფოსს, კაცს ზეგარდმო ნიჭით ზეგვრიელს! მას, მამას წმინდას, ეპისკოპოსს, მამაც გაბრძოლს, ვისი სახელიც რუსეთს იქით, ბრიტანეთს ფურდა, დობროლიუბოვი მორიდებით ვის წიგნზეც წერდა, ვისა ნეშტს ილიამ მონინებით თაყვანი ჰკადრა და ვისაც სიტყვა ერის მამის დაადგა ნათლად!.. რა ანუხებდა, გულს რა სხხულეტდა რედაქტორს შევხვდნენ?! რა არ მოსწონდა მეფის სატრაპს, დამხმენს და მჯღაბნელს?! სიცოცხლე ერის! — კი, დღესავით არის ნათელი!.. და, სხვა თუ მიხვდა, მიმხედარია ამას ქართველი! გაშლის პოეტი მამა-პაპათ ძვირფას სურათებს და ქარაშოტებს იმპერიულს მიაყურადებს!.. და არსს ბრძოლისას მშობელს თვისას ხალხს დაანახევს და გამოარჩევს დიდთა შორის კაცს არანაკლებს! „აგერა — კაცი!“ — იტყვის იგი და ხელს მიაშვრს სერვანტესს ჩვენსას, მამას ჩვენთვის, დავით კლდიაშვილს!.. და დასძენს წყნარად: ლხინად უჩნდათ მსგავსნი თამაშნი, — უხორცოსაებრ იყვნენ როსზე კაცნი მამაცნი!“ და რა ჰქნას ერმა, რა გაანყოს, არ ჰყავდეს ოდეს ქომავი მსგავსი — გაფოფრილი მიმინო კორდის?!

მურმან ლაბანიძე

**კაცობრიობა** აღისრულებს თავის სანატრელს!

ჩემს სიცოცხლეში არავისთვის დამიციანია. მე მებრალე-ბოდა ადამიანი, რომელიც ცხოვრებამ გააუბედურა და სასაცილო მდგომარეობაში ჩააყენა. რასაც ვწერდი, მხოლოდ ადამიანის სიყვარულით ვწერდი.

რა იყო ისეთი ჩემი ცხოვრება, ჩემს თავზე ვილაპარაკო?! ვისთვის იქნება ეს საინტერესო?! ეს ხომ ტრაბახი გამოვა?!

**მხატვრულ** ნაწარმოებში მთავარია სოციოლოგიური მომენტი.

ეს სიტბო, ეს სიყვარულიანობა თან ახლდა ჩემს ლიტერატურულ შრომას, არასოდეს არ დაკლებია იგი და ამიტომაც ჩემი გავლილი ლიტერატურული გზა ბედნიერად გავლილ გზად მიმარჩინა.

ქართული ენა შევწებთ სავსება... მისით მშვენივრად გამოით-ბა ადამიანის ყოველნაირი სულსკვეთება...


**ქართული** გიმნაზია თავის გამგედან, დაუფიქარ იოსებ ოცხელიდან, უკანასკნელ მასწავლებლამდინ — შეგროვება ხყო ერთგვარი ფანატიკოსების, ერთგვარი იდეით გატაცებულით, რომელი განსხვავებული გატაცებით მუშაობდნენ მომავალი თაობის აღსაზრდელად.

**ბაღს** ვერ დავემდურები — ჩემს ნაშრომებს მუდამ ხედებოდა ასეთი თბილი მიღება, რაც მე მხდოდა მეტ ფხიზელ მომუშავედ.


**პირველი** სწავლა დედაჩემმა დამანყებინა, შემდეგ, რაკი საჭირო იყო რუსული ენის ცოდნა, მამაჩემმა მიმიყვანა ერთ რუსის ოჯახში... კარგად მიმილო ორთავემ, დიდად მომეფერენ... დიდი ამაგი დამდეს ამ ივანოვმა და მისმა ცოლმა, ვარვარა ნაუმოვნამ. მათ სულ მოკლე ხანში შემასწავლეს ენაც, წერაც და კითხვაც.

**ქართული** მწერალი ვალდებული იყო, საზოგადოებრივ ასპარეზზე ებრძოლა. უმეტესი დრო ყოველდღიურ საქმიანობაში ჩაბმული ვიყავით. ვიბრძოდით იმისათვის, რომ გვექონოდა ქართული გაზეთი, ქართული სკოლა, წიგნი, სტამბა, თეატრი, ჩვენი მთავარი საზრუნავი ეს იყო. თითქმის მთელი ჩვენი ენერგია აქ იხარჯებოდა.

დავით კლდიაშვილი



— „საცხა ჩვიჩებუა ახლა ის უბედური!“



— „ესმის ახლა ვითომ მაგას რამე?“



— „უკაცრავად ვართ ამისთანა მცირე მასპინძლობაზე, მარა, რადგან ხალუბებია, ვითომ ამისთვის გვეპატიება!“

# ენზორ



## ბურჯანაქის,

### პაჩიშის თეკლოის ჩაიკოშის პიკეზს გვიხანს

#### გადავღვარის აოდოლოკოვნიკის, მნარალ დავით სამსონის ქა კლდიაშვილისაგან

**ბატონო** ჩემო!.. არცთუ კანტიკუნტად მესმის საამო ხმები ჩემი მშობლიური რაიონის დიდს ასპარეზზედ გამოსვლის გამოი-სობით. იმასაც კი ამბობენ — **სენაკსა და ხონს**, გინდაც **ოზურ-გეთს** არაფრით ჩამოუვარდებო. მიხარიან გულით და მივერის დიდად!..

ჩემი **კაროუნას** გათხოვებას წარმოვიდგენდი და **ყვირილაზე** გადაჯგიმული მაგ ასორმოცმეტრიანი ხიდის აშენებას — ვერას-დიდებით!

ყრმათა გამოსაჯანმრთელებლად და დასასვენებლად სანაქებო ქალაქი გაგიშენებიათ — „**საპოუნელა**“! **სატურიის** ცენტრში სა-უცხოო სამხატვრო გალერეა გაიხსნიათ! **ჭიშურაში** საკუთარს ბროლს ხარშავთ თურმე!.. რას არ მოესწრება ცოცხალი კაცი!..

ესეც არ გიკმარიათ! — შესანიშნავი **ჯვარსანური** სახლი წამო-გიჭიმათ — „**ვაზის ყვავილობა**“! **ნავენახევი** კარსტული მღვიმე აღმოგიჩენიათ ტურისტების განსაცვიფრებლად და **ჩხარში** იმო-დენა კულტურის სახლი აგიგიათ, პოლკის სალდათებს დაიტევს თურმე!

მამიჩემის, სამსონის, სულს გეფიცებით, როგორც მე სათვალე მოვიმარჯვე და **შექსპირის** ქვეყანას ამაყად გადავაველე თვალი — რა მომაფიქრებდა, რომ მსოფლიოს ხალხთა შემოქმედების **ლონ-დონის** ფესტივალზედ თერჯოლის „**იმერეთიც**“ მიიღებდა მონა-ნილეობას და თანაც ასეთის ტრიუმფით!..

სულ ახლახანს კი ისეთს ამბავს მოვეკარი ყური, შემძრა ერთთა-ვად — მალე **თერჯოლურ შამპანურსაც** გამოუშვებნო! საოცა-რია, ფრანგულის გარდა, შამპანური არც მსმენია არასდროს!..


ამას წინათ ერთმა მწერალმა მორიდებით წამჩურჩულა: მე ბედ-ნიერად გრაცხ, იმ დროს რომ მოგინია ცხოვრება, თორე ამჟამად ხელი მოგეცარებოდაო უთუოდ, რადგან თერჯოლაში ღატაკს, **აზნოუშვილს** კი არა, გლახსაც ვერ წააწყდებოი ვერსად!..

ისე, ჩვენში დარჩეს და, მაგოდენი საბავშვო ბაღი და სკოლა რომ წამოგინკაპავთ სოფლებში, რას მივანეროთ ეს? იქნებ მოხდა სასწაული და ჩვენი ხალხი დაადგა ერთადერთს გონივრულ გზას — შვილთა მრავლობას!..

ჩემი იუბილეისათვის თავს გიხრით მდაბლად!.. ჰო, მართლა: ეს მხეიძის ყმანვილი რომელია ნეტავ, რომ არ მაგონდება?! არადა, რომ არ მცნობდეს, რანაირად გამოიყვანდა ჩემს ქანდაკს?!.

ჩემი **სერგო**, ალბათ, კი გიდგასთ გვერდში. ავი და კარგი მაგას არ ეშლება საერთოდ, მაგრამ, მაინც ახალგაზრდა ეთქმის ჯერ და, თუ ამაგი სათანადოდ ვერ დაგიფასოთ, ღვთის გულისათვის, ნუ დამიტუქსავთ!..

თქვენთვის და მთელის საქართველოსათვის ბედნიერების მარად მსურველი დავით კლდიაშვილი.



ახს. მ. აბაშიძისა

ახლა, ნეტავ, რაღა გაჭირვება ადგას ქამუშაძეს?!  
 — რაც ჩვენი ქალაქის გარეუბანში გადმოვიდა საცხოვრებლად და ავტონაწილების სანჯობი ჩაიგდო ხელში, ისე გასუქდა, მისივე აშენებული სახლის აივანზეც ველარ ეტევა!..

# ქირილე მიმინოვილის კვალდაკვალ

„ორი დღე ვცხოვრობთ და ისა წავიდეთ,  
 არაფერი მოვისხვაჭოთი?“

ქირილე მიმინოვილის მსოფლმხედველობიდან

„იმ ჩემ მამიდას ვენაცვალე მე, იმ ჩემ მამიდას!.. ტყიბულში მივდივარ-მეთქი, წამამცა გუშუნი. გედერია, მარა, რა გედერია: ხო იცი, ბიჭოო (ახლაც ბიჭოს მეძახის, იმას დენაცვლის თავისი ძმიშვილი!), პოდა, ხო იცი, ბიჭო, ნათლიე რო მყავს იქინე მუხურაში, ამბერკო, იმის ქალოშვილს გაუტოდვილებია სამედიცინო სასტავლებელი თბილისი და ექთანდ უნდა მამიწყო, შარშან რო ტყიბულში მედსანაწილი ააშენეს, იმაშიო! ახლა მე ვუთხარი: ეგ რომელ მედსანაწილში, მამიდაჩემო, ქე რომ 1978 წელს დაიწყო მშენებლობის სამინისტროს მე-7 ტრესტმა (დირექტორი — კ. უჩანეიშვილი) გაერთიანება „საქნახშირის“ დაკვეთით (გენერალური დირექტორი — ბ. სანიკიძე), ორი მილიონ სამას ოცდაოთხი ათასი მანეთის სამუშაოები რომ უნდა შეესრულებინათ და 1981 წლისათვის პირნათლად ჩაებარებინათ მთავრობისათვის-მეთქი?! კოო, მაგ მედსანაწილშიო, ვარდი გედეფინა სახეზე, იმ ჩემ მამიდას ვენაცვალე მე, იმ ჩემ მამიდას!.. შევწუხდი ერთობ, მარა იმხნის ქალს ახლა ხომ ვერ მოვატყუებდი: ჩაბარეს კი არა, 1982 წლის დამდგისათვისაც მხოლოდ 400.000 მანეთი იყო ათვისებული-მეთქი, რომ მივახალე მშენებლებზე გაბრაზებულმა, გული გადაუქანდა. კიდევ კაცი, კოსტაიაა თუ პროსტაია, იმან შემამშველა ჭიქა წყალი, თვარა... მოგიწევდათ სატირალში მოსვლა!..

ხომ არ ფიქრავხართ, მომშორდა, ან სხვა თემაზე გედვიდა?! ისევ საქმის ჩაწყობა არ შემომთავაზა?! მაშინ აბა, პატარა ძმაი რო ყავს იმ ჩემ ნათლულს, ჭიჭიკიე, ის მაინც მამიწყვე პროფტექნიკურ

სასტავლებლშიო! შარშანნი დინყეს მისი მშენებლობა და აქობამდე უსიკვტილოდ ააშენებდნენო! რას სწავლობენ იმ შენს პროფტექნიკშია თუ პროსტექნიკურში-მეთქი, ჩევეციე მაშიდაჩემს ხარატობა გინდა, ზეინკლობა გინდა, მხერხაოზა გინდა, რა ვიცი, შასტას რაც ჭირდება, ყოლიფერს იმაშევიგნო! მეიცა, მეიცა, მეიცა-მეთქი, ახლა მე ვუთხარი. ეგ რომელი პროფტექნიკურია, მილიონ სამასი ათასი მანეთი რომ უნდა დამეჭარიყო მისი შენობის აშენება და გასულ ენკენისთვეში მოსწავლეები რომ უნდა მიელო-მეთქი?! ოო, სტორეთ ეგ ტენიკშია და მაშიწყვე, რა მოხდებაო!.. ყრონტზე მიიღო ხელი, იმ ჩემ მამიდას ვენაცვალე მე იმ ყრონტში!.. ჯერ ფანჯარაში გაეყავი თავი და ამინდზე ჩამოვუღდე სიტყვა, იქნებ მივუფუჩეჩო-მეთქი, მარა, არაფერი შეგეშალოსო, ისე გამოხედა. მეც ავლეკი და მივუგე: ეგეც ჩეიშალა, რადგან იმ მილიონ სამასი ათასიდან, ჯერჯერობით მხოლოდ 35 ათასი მანეთია ათვისებული-მეთქი! ეგ კილო არაფერი, მიუხედავად ორმხრივი ხელშეკრულებისა, მოიჯარადრეს საერთოდ არ შეუტანია 1982 წლის გეგმაში სასწავლებლის მშენებლობა და, ბუნებოივია, გაკეთებულიც არაფერია-მეთქი!.. უნდა გენახათ, რა დღეში ჩავარდა, იმ ჩემ მამიდას ვენაცვალე მე, იმ ჩემ მამიდას! ჯერ თეიზივით მომაჭყიტა თვალები გაოგნებულმა, მეერ ტუჩზე ამფარა ხელი და შემლადა: რასაც ახლა გეტყვი, კირილე, თუ იმაზეც უარს გამიცხადე, ძმიშვილობიდან უნდა ამოგშალოო! ცრემლი მამერია ამის გამგონეს, მარა ქჩორტუ ზედმეტი მგრძობიარობა-მეთქი, გავიკვლე გულში და ომახინად ვუთხარი: არ გვეყანან ჩვენ, მამიდაჩემო, ძმიშვილობიდან ამოსაშვლი ძმიშვილები, არც გვეყოლია დარც არასდროს გვეყოლებიენ-მეთქი! თქვი, რაც სათქმელი გაქ, შენი ხმალი და ჩემი კისერი-მეთქი!.. მეუბნება: ველარ ვისხენებ ახლა. ზენათის თავგასიებული ბიჭი რო დეიბადა, რომელი წელი იდგა, არ ვიცი სამოცდასამი, არ ვიცი სამოცდაშვიდი, ეს კი მახსოვს, იმ წელიწადს პირველად მოვიგეთ ბურთაობაო! სამოცდაოთხი წლის ნოემბერი იყო, მამიდაჩემო, მაგას რა დამამიწყებს-მეთქი!.. ხოდა, ე, მაშვინ რო ტყიბულ-ცხრაჯერის საბაგრო გზის გაყვანა დეიწყეს, აქნობამდე, დაამთავრებდენ კი არა, კიდევაც გააგრემონტებდენ და ის ჩემი ნათლული იქ მაინც დაანიშენიე სადმე სალაროში, ბილე-თების გამყიდველად!..

გავშირი კაცი, მარა რა გავშირი!.. მართლა და მართლა, თვრამეტ წელიწადს რომ ერთ პატარა საბაგრო გზას ვერ გეიყვან, რაღა მშენებლობის სამინისტრო გქვია და რილასი მე-7 ტრესტი ხარ-მეთქი, გავიფიქრე გულში და საბრალო მამიდაჩემი მაინც დავიბმედე: ნუ გეშინია, მამიდა, ჩვენი დინამოელები რომ მესამედ გახდებიან ჩემპიონები, იმ წლიზა აქვთ გეგმაში იმ გზის დამთავრება და დავანიშენინებ, აბა, არ დავანიშენინებ-მეთქი?! ვითომც შარშან აპირებდნენ ჩვენები ჩემპიონობას, გადამეხვია და გადაპაროშნა იმ ჩემ მამიდას ვენაცვალე მე, იმ ჩემ მამიდას!.. გული რომ შეიჯრა, ანკრალ გადაუკარი სიტყვა: ტყიბულს გარდა, ნათლულები სხვა ახლო-მახლო რაიონებშიც ხომ არა გაყავს-მეთქი და, ვიდრე ხმას ამოიღებდა, ახლა მე ავაფარე შემფოთებულმა პირზე ხელი!..“

ქირილეს მონაყოლი მოისმინეს „ნიანგის“  
 კორესპონდენტებმა:  
 გივიო ზარნაძემ და  
 ბარიელ ჩარქაშელიანმა.

ნიანგისბაზან: როგორც შემდგომ დადგინდა, ფელეტონში დასახლებული საშენებლო ორგანიზაციის მესვეურებმა (სამივე ობიექტს მე-7 ტრესტი აშენებს) შეძლეს უკუმპროინტერვიუს აღება ფელეტონის ავტორებისაგან. გთავაზობთ სტენოგრაფიულ ჩანაწერს:

მშენებლები: კი მაგარამ, ქირილე მიმინოვილის დევიზი რომ მიგიწერიათ სათაურქვეშ, ისე წავიდეთ, არაფერი მოვიხვეჭოთო, რის მოხვეჭაზეა ლაპარაკი!

ავტორები: სახელის მოხვეჭაზე, რასაკვირველია!..

მშენებლები: სახელის?! მაშინ გვაპატიეთ, უკაცრავად შეწუხებინათვის!..

ავტორები: იცოცხლეთ!.. თუმცა მოითმინეთ, მოითმინეთ, თქვენ რისი მოხვეჭა გეგონათ?!



# ანქონის შუშ

ილუსტრაციები ზ. ლეშავასი

როცა გვიანი შემოდგომა ბუნებას გააშიშვლებს, სხივად-ლილი მზე გაკრეფილ ვენახებს, აჩალულ ყანებს, ფოთოლგაცვივ-ნულ ტყეებს გააშუქებს, მოახლოებული ზამთრის ქარი ყვითელ ფოთლებს ჰაერში ააფრიალებს, ხოლო კაცის გულს სევდა და კაემარი შემოაწვება, იმერეთის ორლობებში ყველაზე დუხჭირი ფანტაზიის მქონე ადამიანიც კი დაინახავს:

ფერდებაცვივრულ, ჯაგლაგ ცხენზე ამხედრებულ პლატონ სამანიშვილს და მასთან მოსაუბრე ადვოკატ ივანე გვერდევანიძეს...

სოფელ-სოფელ ჯორით მოჯირითე სოლომან მორბელაძეს...

უკვე აღებულ ყანაში მოფუსფუსე ეფროსინე ქაშუშაძეს, აქა-იქ შემორჩენილ ტაროებს რომ დაეძებს...

თავისი დაქცეული ქოხის წინ, ჯირკზე ჩამომჯდარ, დამუნჯებულსა და დაჩაჩანაკებულ ლევან ქაშუშაძეს...

წმინდანის უყურადღებობითა და უსულგულობით გაოცებულ და გაოგნებულ კაცია საგუნაშვილს...

ხორციელად ლამაზსა და მოხდენილ, მაგრამ სიღარიბით დაბეჩავებულ და ცხოვრების ხალისწართმეულ კაროენა ქარსიძეს...

ღობესთან გაქვავებულ, დაღლილ-დაქანცულ, გაფითრებულ და პირგამეხებულ ფეფენას, რძალსა და აზნაურ დავით კარუგდე-ლაძეს რომ მისჩერებია...

მონწულ კარავთან მდგომარე უცნაურ ბერიკაცს, მიქელა გიორ-გაძეს, სწულ შვილიშვილს გრძელ ჯოხზე ჩამოცმული ქოთნით რომ აწოდებს საზრდელს...

საიქიოდან დაბრუნებულ ვასილ კარიკაძეს, რომელიც პირდაპ-ჩენილ მეზობლებს უამბობს იმქვეყნად ხილულსა და გაგონილს...

ჯორზე გადამჯდარ მხიარულ ხუცესს, ვისაც უკვე დავიწყებია, სად არის თეთრი ზღვა თუ პეჩორის ლავრა და გვარის იმედად ათი-თერთმეტი წლის ბიჭი რომ მიჰყავს სასულიერო სასწავლე-ბელში...

ეკლესიის ეზოში თავმოყრილ მრევლს, სინანულითა და საყვე-დურით სავსე სიტყვებით რომ ამუნათებს მღვდელი...

რამ გამოიწვია საყვედური? რა დანაშაულს მოჰყვა იგი?

ერთი საყანე ადგილი კაცია საგუნაშვილმა შესასვენებლად გაუშვა. მიწა მოღალღული იყო და მოსავალს აღარ იძლეოდა. ამ შემთხვევით ისარგებლეს სოფლელებმა და შესვენებული ადგილი გზად გადააქციეს. თავდაპირველად კაცია საგუნაშვილს ამისათ-ვის ყურადღება არ მიუქცევია, მაგრამ მერე, როცა გადაწყვიტა შესვენებული ადგილის ისევ ყანად დამუშავება, სოფელმა თემ-შარა აღარ დათმო. არც კაცია იხვედა უკან და არც სოფელი. საქმე სასამართლომდეც მივიდა, მაგრამ წაგებული კაცია დარჩა. სოფელმა თავისი გაიტანა. ამან კაცია საშინლად გააბოროტა. განსაკუთრებით შეიძულა მეზობელი ანდრია ჭურაშვილი. დობოლ-მილი კაცია ყველა ავკაცობას ანდრიას აბრალებდა. რაკი სამარ-თალი ადამიანთა შორის ვერ ჰპოვა, საშველად კაცია საგუნაშვი-ლმა წმინდა გიორგის ხატს მიმართა. ანდრია ჭურაშვილი დას-

წყველა და ხატზე გადასცა. ასე ფიქრობდა: წმინდანი მიუკერ-ძობლად გაარჩევდა მტყუნსა და მართალს და ანდრია ჭურა-შვილს უთუოდ დასჯიდა.


მიდიოდა დრო და წმინდა გიორგის აზრად არ მოსდიოდა ანდრიას დასჯა. ჭურაშვილი ჩინებულად გრძნობდა თავს და მალე დაივიწყა ხატზე გადაცემაც და საგუნაშვილის მტრობაც.

ერთ დღეს, როცა წმინდა გიორგის ხატი ეკლესიის ეზოში გა-მოსვენეს და მღვდელმა ვედრებით მიმართა, კაცია საგუნაშვილი ხატთან მიიჭრა და ჰგმო წმინდა გიორგი!..

„— ემის ახლა ვითომ მაგას რამე?.. ძალი ვიყავი მე, ჩემი რომ არაფერი შეისმინა მაგან?!“

კაცის მკრეხელობამ თავზარი დასცა ხალხს. არც კაციასათვის დარჩენილა უშედეგოდ წმინდანის გმობა. ბერიკაცი თანდათან

(გაგრძელება მე-6 გვ.)







მშვიდა ქალი — „ალბათ შემცდარი იყო... კარგად ვერ გაუგონია, რა ვადა დაუნიშნეს“.

როცა ამ სიტყვებს კითხულობთ, სული გეყინებათ, ლამის გული გაგისკდეთ: სადამდე შეიძლება იყოს ცრუმორწმუნეობით დაბნელებული ადამიანის გონება. რა საშინელი დანაშაული შეიძლება ჩაიდინოს მიაბიჭობამ და უმეცრებამ. ბუნებით კეთილი და სათნო ბერიკაცი არაცნობიერად მკვლელი გახდა. და ეს ჩაიდინა „კეთილი მიზნით“ — ჯიშის, მოდგმის გადარჩენის სახელით.

მთელ სოფელს სჯერა, რომ ფეფენა კუდიანია („მსხვერპლი“). ყველას ეშინია მისი. ფეფენა კი ნამდვილად ერთი გაჭირვებული, გაუხარელი ქალია. იგი წუთისოფლის სიმძიმემ უკმეხ და პირქუს ადამიანად აქცია. ასაკით და ცხოვრებით მოტეხილ ფეფენას ვერ აუტანია ახალგაზრდა რძლის, მარინე ხმელაძის, სიხალისე, სილალე, მხიარულება. დედაბერს ეშინია, ლამაზი და ცქრიალა მარინე ვინმემ არ აცდუნოს და ოჯახს თავი არ მოეჭრას. ეს შიში მას მერე გაუძლიერდა განსაკუთრებით, რაც აზნაურ დავით კარუგდელიძისა და რძლის მეგობრული ურთიერთობა შენიშნა.

სამკვდრო-სასიცოცხლოდ გადაეკიდა რძალ-დედამთილი ერთმანეთს. ფეფენამ სძლია მარინეს. სიცოცხლით სავსე ყმანვილი ქალი ჩამოხმა, ჩამოღრა, გაყვითლდა და დაჭნა. მძიმე სნეულს დაემსგავსა. სოფელში კი ხმა დაირხა, კუდიანმა დედამთილმა მარინეც კუდიანი გახადაო. მაშინ მარკოზა ხმელაძემ შვილის შინ წაყვანა გადაწყვიტა. მაგრამ მარინე იმდენად იყო დამფრთხალი და დაძაბუნებული, რომ მამას ემუდარებოდა — „გამიშვი, შენი ჭირიმე, ჩემო მამა... მომკლავენ, მამა!..“ სულიერმა ტერორმა სრულად უნებისყოფო გახადა იგი.

მარკოზა ხმელაძეს მტკიცედ ჰქონდა გადაწყვეტილი „ეხსნა“ შვილი კუდიანობისაგან. „საიქიოში ნამყოფმა“ ვასილა კარიკაძემ „გამოტეხა“ მარინე და ათქმევინა — ჩემმა დედამთილმა შემაცდინა და დამაჭერინაო კავშირი ეშმაკთან.

შვილის უბედურებით გადარეულმა მარკოზა ხმელაძემ გავარკვრებული ნალით დადალა ფეფენა. ნანამებმა, ღონემიხილმა და დაოსებულმა მარინემ ვერ გაუძლო ამდენ საშინელებას და დედის ხელეშში დალია სული.

შემზარავია მარინე ხმელაძის ბედი, მაგრამ უფრო შემადრწუნებელია სოფლის კმაყოფილება მარინეს ეშმაკებთან გულგაცხადებით“.

საშინელი და თავზარდამცემია სწორედ ის, რომ ბოროტებას ჩადიან გულწრფელი, მართალი და პატიოსანი ადამიანები, რამეთუ უმეცრების, სიბნელის, ცრუმორწმუნეობის გამო არა უწყიან, რას აკეთებენ. ბოროტების აქტი აღესრულება კეთილის სახელით. დ. კლდიაშვილი ხატავს სამყაროს, სადაც, საუბედუროდ, თავდაყირაა დაყენებული რწმენა, თავმოყვარეობა, მოყვასის სიყვარული. ამ სამყაროში რწმენად ცრუმორწმუნეობაა მიღებული, თავმოყვარეობად — ამპარტავნობა, მოყვასის სიყვარულად — მოყვასის მოტყუება-გაცუცურაება. ადამიანის ღირსება ხურდადდება ლუკმაპურად.

ომან ქამუშაძეს უყვარს ძმა, მაგრამ ცრუმორწმუნეობის გამო მასაც, სოფელთან ერთად, სჯერა, რომ მისი რძალი, ლევან ქამუშაძის ცოლი ფეროსინე კუდიანია. ომანი შვილის, კონიას ავადმყოფობას ეფროსინეს აბრალებს. კეჭით მოსაკლავადაც მიუვარდება ომანი ძმასა და რძალს. ვინ იცის, რა ცოდვას დაატრიალებდა ომანი, ოტია ქამუშაძეს რომ არ ეყოჩაღა და ბიძისთვის კეჭი არ წაერთმია.

გამოიკვეთა დავით კლდიაშვილის მეორე ძირითადი პერსონაჟიც — სილარიბით და ცრუმორწმუნეობით დაბეჩავებული კაცი.

როცა დავით კლდიაშვილის პროტაგონისტების თავგადასავალს ვკითხულობთ, ზოგჯერ მათი ამპარტავნობა ღიმილს გგვკრის და სიცილის გუნებაზე გვაყენებს, მაგრამ მათი სილარიბე, სიბეჩავე, ცრუმორწმუნეობა და საცოდაობა ყოველგვარი ხალისის სურვილს გვართმევს და ინვევს სიბრალულს, თანაგრძნობას, თანალმობას. ღიმილი პირზე გვაშრება. როგორც კი მივხვდებით ორ ჭეშმარიტებას: პირველი ის, რომ გაჭირვებული ადამიანი შეუძლებელია იყოს დაცინვის საგანი და მეორეც ის, რომ როგორებიც არიან ადამიანები, ისეთია ქვეყანაც. თავის სამშობლოს სიბეჩავესა და გაჭირვებას კი არავინ დასცინის ამ ქვეყნად. ქართველი კაცის ჭაბანწყვეტას დ. კლდიაშვილი გამკილაგი თვალთ კი არ უყურებდა, არამედ — თანაგრძნობით, თანალმობითა და სიყვარულით სავსე გულით. და თუ ხანდახან მწერლის ჭკვიან და კეწნიან სახეს სევდიანი ღიმილი გაანათებს, ეს იმედია, ჩანერგილი იმათგან, ვინც, როგორც თავად ბრძანებს, გული სიყვარულით გაუთბო, ასწავლა ადამიანის პატივისცემა და ნდობა.

ნახ. 3. შირცხალაპასი



— „ამას რაუა ვაპატიებ მაგ სტაქანს?!“

**ჩვენს** ცივილიზებულ ეპოქაში არც ისე ძნელია წარმოუდგენელი წარმოდგინო ან დაუჯერებელი დაიჯერო.

თუ ეს ასეა, მაშინ ერთი წუთით წარმოვიდგინოთ, რომ საკუთარი იუბილეს დღეებში სააქაოს მოევლინა დავით კლდიაშვილი და შეხვდა თავის გმირებს. მილოცვების შემდეგ გაიმართა გულითადი საუბარი.

მწერალმა კაროენას მიუალერსა და ჰკითხა, როგორ ხარ, ჩემო კაროენა, თუ გათხოვედი?

— კარგად, ბატონო! მე ვიცი, თქვენ ჩემი დარდი გაგყვით, მაგრამ ყველაფერი ნორმალურადაა. გავთხოვედი და ქალაქში დავსახლდი. ჩემი შვილიც მალე გაახლებათ!..


მწერლის წინ შეზარბოშებული კაცი გამოიქიმა.

— ბოდიში დაგვიანებისათვის, ბატონო დავით, ბაბუაჩემის მაგივრად გეახელით!

მწერალმა შუბლზე ხელი მოიჩრდილა:

— რომელი ხარ, შვილო? რაცხავერ გიცანი!..

ნახ. ჯ. ლოლუასი



— ჩემს დარისპანს ისეთი გამართული ოჯახი აქვს, ქალიშვილს რომ ვააფრევებს...

მწერალმა შეკრთა...

— ჩემო კაროენა, შენ უკვე ბებიაც ხარ? კაროენამ გაიღიმა:

— ასე გამოდის, ბატონო დავით!

— შვილიშვილი დილია?

— მეცხრამეტეშია! — უპასუხა დარისპანმა.

— იმას ენაცვალოს ბებია! ერთი მაგის გათხოვებას მოვესწრებოდე და მეტი არაფერი მინდა! ჰო, იმას მოგახსენებდით, ბატონო დავით, ჩემი დარისპანი ისეთი წელგამართულია, ქალიშვილს მანქანასაც გაატანს მზითევში...

— ფეხისას თუ ხელისას? — იკითხა მწერალმა.

დღემ და შვილმა ერთმანეთს გადახედეს, მერე გაკვირვებულბემა მწერალს შეხედეს.

— ჰო, რა გიკვირთ, საკერავი მანქანა ხომ ხელისაც არის და ფეხისაც?!

კაროენამ სიცილი ვერ შეიკავა.

## შეხვედრა საკუთარ გმირებთან

— კირილეს შვილიშვილი ვარ, ბატონო დავით! საუბარში პლატონი ჩაერია:

— დიახ, ბატონო, სმაში მართლა დაემსგავსა ბაბუამისს, მარა, მისგან განსხვავებით, აყალმაყალი არ უყვარს. ისე, კარგი დაფასებული კაცია, ხელობაზე მუშაობს.

— ქალაქში? — იკითხა მწერალმა.

— დიახ, ჩვენ მთელი ოჯახითა და ნათესავებით დიდი ხანია ქალაქში გადავსახლდით!..

მწერალს შუბლი შეეკრა და კაროენას გადახედდა.

— აი, ჩემი დარისპანიც გამოცხადდა! — წამოიძახა კაროენამ და თავისი შვილი დავითს წარუდგინა.

— როგორ, დარისპანი ჰქვია?! — გაიკვირვა მწერალმა.

— დიახ, ბაბუას სახელი დავარქე! — უპასუხა კაროენამ.

— როგორ ცხოვრობ, შვილო, ხომ არ გიჭირს? — ჰკითხა მწერალმა დარისპანს.

— გმადლობთ, ბატონო დავით, არა მიშავს... — დაიწყო დარისპანმა, მაგრამ კაროენამ არ დააცალა:

— რას ბრძანებთ, ბატონო დავით! საკერავი მანქანა ჩვენს დროში ვის რად უნდა?! ახლა ავტომანქანა მოდაში!

— ავტომანქანა მზითევში?! — გაოცდა მწერალი.

— დიახ, ბატონო დავით! — დაუდასტურა დარისპანმა.

— ეგ ერთობ გასაკვირია, — ჩაილაპარაკა მწერალმა და კაროენას მიმართა, — გამოდის, რომ „დარისპანის გასაჭირი“ საერთოდ მოისპო?!!


— მთლად მასე არაა, ბატონო დავით! სიმართლეს თუ ვიტყვით, ჩემს დარისპანსაც აქვს გასაჭირი და — არანაკლები, ვიდრე მამაჩემს ჰქონდა...

უცებ მწერლის წინ მუხლებზე დაეცა მხარბეჭიანი კაცი.

— ნება მომეცით, ბატონო დავით, მოგილოცოთ სახელოვანი იუბილი!

მწერალმა სათვალე შეისწორა, კაცს მიუახლოვდა და წამოაყენა.





— ადექი, საყვარელო, ადექი!  
 პლატონი მწერალს მოუბრუნდა:  
 — ბატონო დავით, ვერ იცანით, ხომ? ეს ჩემი ძმია, ილიკო!  
 — ღმერთო ჩემო! — შეიცხადა მწერალმა, — შენ ბეკინას შვილი ხარ?!  
 — დიახ, ბატონო! — უბასუხა ილიკომ.  
 მწერალმა პლატონს შეხედა:  
 — ძმები ხომ კარგად ხართ ერთმანეთში?  
 — ძალიან კარგად! — მიუგო პლატონმა.  
 — საჩხუბარი რა გვაქვს?! — გაიცინა ილიკომ.  
 — პლატონ, ილიკოს თუ ეხმარები?  
 პლატონმა გადაიხარხარა.  
 — მაგას ჩემი დახმარება რად უნდა, როცა თვითონაა სოფლის თავკაცი!  
 — შვილო, მიწა ხომ ვაქვს საყოფინარი?  
 ახლა ილიკომ გაიცინა.  
 — რას ბრძანებ, დავით ბატონო, მიწების მეტი რაა, ყველა ჩემი არაა?!  
 მწერალი ერთხანს ჩუმად იყო. მერე კაროუნას უთხრა:  
 — შენ დარისპანზე ამბობდი რაღაცას!..  
 — დიახ, ბატონო დავით, დარისპანი ნამდვილად გასაჭირშია! საქმე ისაა, რომ, ამ ჩემი ცოდვით სავსემ, ამოიჩემა, ქალიშვილი საექიმოზე უნდა მოვაწყო. თვითონაც იტანჯება და შვილიც გატანჯა. მესამე წელია, გამოცდებზე გაჰყავს და ვერა და ვერ მოაწყო.  
 — ასე ძნელია?  
 — ნამეტანი, ბატონო დავით, ძალიან გაძნელდა, დიდი კონკურსია. დარისპანს ერთი ჰყავს მოსაწყობი, სხვას — ორი, ზოგს — უფრო მეტი...  
 — ერთობ გასაკვირია, — ჩაილაპარაკა მწერალმა და მერე კაროუნას ჰკითხა, — ერთი მითხარი, ვეთაყვა, ბავშვები უმაღლესში ხომ თვითონ აბარებენ? ვერ გამიგია, რას ნიშნავს „მოწყობა“?!  
 — რა თქმა უნდა, თვითონ აბარებენ, მაგრამ, ხომ იცით... ისე, თვითონ ეწყობიან!  
 — ბეკინა სად არის? — მოულოდნელად იკითხა მწერალმა.  
 — მამა ბატონი შეუძლოდ იყო, ბატონო დავით, ამიტომ ვერ გეახლათ! — მოახსენა პლატონმა.  
 — რა დავებართა? — იკითხა დავითმა.  
 — ევროპაში მოგზაურობისას გაცივდა და მერე ვერ გამოკეთდა.  
 — ევროპაში რა უნდოდა? — გაიკვირვა მწერალმა.  
 — მოგახსენებთ, ბატონო. მამა ბატონი, მე, ჩემი დედინაცვალი მელანო, კირილე და სხვები ერთად წარედექით გერმანელ მაყურებელთა წინაშე!  
 — გერმანიაში?  
 — დიახ, ბატონო დავით, პირდაპირ გერმანიაში! — მიუგო პლატონმა.  
 მწერალმა წვერებზე ჩამოსვა ხელი.  
 — შენ რომ არ ლაპარაკობდე, პლატონ, სიმართლე გითხრა, სხვას არ დაუჭერებდი. ახლა ბარემ ისიც ვა-

მაგებინეთ, რა ენაზე ლაპარაკობდით იქ?  
 პლატონმა მხრები აიჩეჩა.  
 — როგორ თუ რა ენაზე?! რა თქმა უნდა, ქართულად.  
 — გაგიგვს მერე?  
 — რა თქმა უნდა!  
 უსაზღვროდ გახარებული, აღელვებული, ბედნიერა და კმაყოფილი მწერალი საყვარელ გამიერებს გამოეთხოვა და მოჩვენებასავით გაქრა.

**გიგლა ბახტაძე**

**ვის რა ათქმევინა და ვისზე რა თქვა დავით კლდიაშვილმა**

- **დაპატიმრებულ მექრთამეს:** „რაფა არ უნდა მომკლას ჩემმა პატრონმა?! რაფა არ უნდა მომკლას?! რაფა ვარ შესაბრალებელი?!“
- **მილიციელს, რომელმაც დამნაშავე დააკავა:** „შენ არ მომიკვდე, მე შენ არ გაგიშვა!“
- **რედაქტორს — გრაფომან ავტორზე:** „მაგ ოხერი კიდევ მეეთრა?! რა მინდაო?!“
- **მოზინადრეს — სარემონტო კანტორის მუშაკებზე:** „აოხრდა თქვენი პატრონი, რავარც თქვენ აქაურობა ააოხრეთ!“
- **„სტუმარმოყვარეს“:** „აბა, რათ მინდა ოჯახი, თუ ჩემთან მოსული კაცი არ დავთვრე, არ დავალევი რჯულზე?! რომ ასე არ ვუქნა, მასთან რომ მივალ, აღარც მე დამალევიებს და წყალნასვამს გამომიტუმრებს... რაზე ვუმტრო ჩემს თავს? რატომ ვქნა ეგ? ხა, ხა, ხა! სულელი ვარ?“
- **უსაქმურსა და მოქვიფეს:** „ორიოდე დღე ვიცოცხლო, გული მწუხარებით ევივსო, მოლხენა დავიკლო და ისე წავაყრევიწო ზედ მიწა?! შენც არ მომიკვდე!.. მაგაზე მეტი სისულელე იქნება?!“
- **დაზარალებულს — გამომძიებელზე:** „განა დღესავით ნათელი საქმე არაა?! გამომძიება ეჭირვება კიდევ თუ?!“
- **პროტეფეს — პროტექტორზე:** „შენებურად მომიკვებხინე ეგ საქმე!“
- **აბონენტს — ატენსზე:** „ტყუილი, ტყუილი, ყოველ ნაბიჯზედ ტყუილი და უპირულობა! რა გამოვიდა ჩემი ორი თვის წანწალიდან?“
- **მუქთახორაზე:** „მოშივებულ მგელივით აღარაფერს აღარ ერიდებოდა“.
- **გამომძაღველზე:** „ერთხელ მის ხელში ჩავარდნილი პირი ძნელად თუ დაუძვრებოდა, სანამ მისგან არ გამოჩნებოდა, რამდენის გამორჩენაც შეიძლებოდა“.
- **ბიუროკრატზე:** „ბევრ ადგილას ისმოდა მისი ორპირობისა და გაუტანლობის ამბები, კაცის შეუბრალებლობაც“.
- **მომხვეჭელზე:** „იგი მხროლდ იმას ფიქრობდა, თუ რამდენ გამოსარჩენს იშოვიდა“.
- **ჭორიკანაზე:** „მაგ მყრალ ენას სამიღღემჩიოთ დაგიღუმებ!“

# საქართველო

ნ. ბ. შირსხალაშვილი

ეროვნული  
ბიბლიოთეკა

## დარისპანის ბასაჟირი

დარისპანს სამი ქალიშვილი ჰყავდა. სამივეს ასწავლა და მერე ყველა ქალაქში გაათხოვა. (უკაცრავად, გათხოვდნენ!) დარისპანმა „მეზობლების თვალების დასათხრელად“ ყველას მდიდრული მზითვევი მისცა.

ჰოდა, დარჩა დარისპანი სოფელში მარტო, არადა სახლს კარს, ვენახს, საქონელს მოვლა უნდოდა, ხოლო ქალიშვილები და სიძეები მხოლოდ შემოდგომით აკითხავდნენ. შენუხდა დარისპანი და... სიბერის ყამს კიდევ ერთი შვილი გააჩენინა ცოლს (ისიც ქალიშვილი გამოადგა!).



## ირინეს ბედნიერება

ირინე მამამ „დიდ კაცს“ მიათხოვა, თავიდან ქალიშვილი უარობდა, მაგრამ მამამ თავისი გაიტანა.

— შვილო, ეგ კაცი მეფისტოლა კაცია, მაგრად ცხოვრობს და ჩიტის რძეც არ მოგაკლდება!

...ქორნილში, მართლაც, ჩიტის რძეც კი არ აკლდათ!.. გაბრიყვებულმა ირინემ დაივიწყა ყველაფერი და განცხრომას მიეცა, მაგრამ.. მალე მის ქმარს, სადაც ჯერ არს, იქ უკრეს თავი და ახალგაზრდა ირინე სანახევროდ დაქვრივდა!..



## სამანიშვილის დედინაცვალი

მოსუცხა ბეკინამ ცოლის შერთვა გადაწყვიტა! დატროლდა პლატონი: ეგება ისეთი დედინაცვალი ვიშოვო, უმადლესში მომანყოსო! ეძება, ეძება და მიაგნო შინაბერა ლექტორ ქალს. რომელთანაც მალე გაჩარხა კიდევ საქმე.

მაგრამ დედინაცვლის მიერ ჩანაწერილი საქმე გასკდა და... იგი სამსახურიდან გამოაგდეს!

ახლა სასამართლოში ხშირად ნახავთ მომჩივან „ნალექტორალს“, რომელიც ჩივის, გერი აფერისტხა და უშნოს მეძახის. შეურაცხყოფას მაყენებსო.

პლატონი აპირებს მამამისიც ამ ქალის ბინაში შეიყვანოს ზედსიძედ, — ესეც შეღავათიო!




## ქაშუშაძის ბაჟირება

პორფირ ბიაშვილი „ფიგულით“ ესტუმრა ოტია ქაშუშაძეს — ახლახან დისერტაცია დაიცავი, ჩემო ოტია, და დროა ბალნები მოვამზადო, შენ ამ სოფელში მომინახე „პინგვინები“, მე კი სხვა სოფელში გადავივლიო!..

ოტიამაც მოუნახა აბიტურიენტები, მაგრამ ისიც გაიგო, პორფირი ამ გზით „მაგარ მაყუთს ღუნავსო“ და თვითონაც ლექტორობა განიზრახა. არადა, მასწავლებელი იყო. სკოლაში კი ისე ასწავლიდა ბავშვებს, რომ ყველანი პორფირისნაირ ხალხს უვარდებოდნენ ხელში!..

რომან ზუკაიშვილი  
(საგარეჯოს რ-ნი)



„ერთი მოვიშორე, როგორც იქნა, მეორეს და მესამეს რაღა უყოს კაცმა?!“

## ჩვენი სალამი

მამვალ სოლომანს სალამი! — ენით და ჯორით იდიდე! —

შენ სილატაქეს მალავდი, ახლა მალავენ სიმღიღრეს!

დიდ სახლს იშენებს პლატონი, ცისფერი „ვოლგაც“ ელირსა

და — მილიონის პატრონი — მანეთს სესხულობს სხვებისგან!..

რას იზამ, სხვა დრო დაუდგა, უნდა ატაროს ნილაბი, თუმცა ახსენებენ აუგად, დაბაბს რომ იზრდის

ლიბამდი! კირილე დარჩა ოხუნჯალ, ლენინშიც მრავალს ერქინა!..

დღეს მორაშია მოხუცი, მაგრამ მდიდარი ბეკინა!

მამვლობის ქამიც წასულა (რად გვინდა ამის დაფარვა?)

დღეს არ ითვლება პატარძლად, ვინც ვერ ახერხებს გაპარვას!

მელანოს კლავდა პლატონი — ორსულს, ორი ქმრის ნაქვრივალს!

დღეს გვენატრება, ბატონო, — ფეხშიმე ქალის ნახე-ბილვა!

გიგა მახვილაძე



„ქეფის მეტი რომ არაფერი გაგონდება, ნეტავი შენ, მე უბედურო!“

ნაბ. ზ. ზორაძის

— ნამეტანი კაი გოგოა, შენ ნუ მომიკვდები!  
— მარტო კაი გოგო და მისი მზითუვი მეყოფა მე?! რა აქვს ხელფასი და სად მუშაობს მამამისი?!



121  
83  
99.11



სატირისა და იუმორის ქურონალი „ნიხეი“ №2 (167) იანვარი, გამოდის 1923 წ. იენისიდან.

მთავარი რედაქტორი  
ზაურ გოლჭავაძე

სარედაქციო კოლეგია:  
ჭაბუა ამირეჯიბი, ნოზალი ბარათაია, ბორის გურგუნილა, ნოდარ დუმბაძე, რევაზ თვარაძე, ჭემალ ლოდუა, ნოდარ მალაზონია (მხატვარი - რედაქტორი), ალექსანდრე ხაშხონია, ბუენ ხიხარულიძე (პასუხისმგებელი მდივანი), გიგლა ფირცხალავა, ჩანსუფ ჩარკვიანი, თამაზ წიგწივამძე, ვაჟა ჭანიშვილი (მთავარი რედ. მოადგილე), ნაფი ჭუსიოთი.

ტექნიკური რედაქტორი  
მიხეილ კუხალაშვილი

გადაეცე საწყობოდ 23. 12. 82 წ. ხელმოწერილია ს. საბუქიძედ №3. 1. 83 წ. ქალაქის ზომა 60X90/16, ფორმატური საბუქი ფურცელი 1.25, სააღრიცხვო-საგამოცემლო თაბები 1.7, საქართველოს კანკის კომპოცეპლადა, ლენინის, 14. შეკეთა №3011 ევ 0690. ღირებუ 136.000. ეფონო-გამოცემის თემა ორჯერ რედაქციაში შემოსული მანუალები ავტორებს ამ უბიუსებდათ.

ჩვენი მისამართი: 380008 თბილისი-8, რუსთაველის პროსპექტი №42.  
ტელეფონები: მთავარი რედაქტორის — 99-55-54, მთ. რედ. მოადგილის — 93-19-42, მ/შ მთიების — 93-10-78, მხატვარი-რედაქტორის — 99-02-38, გახუთილებათა გამგეების — 93-49-32, რედაქტორ-ლიტ. მუშაების — 99-02-38, მთიები - მემანანს — 99-76-69.

სატირიკო - იუმორისტული ჟურნალ „ნიანგი“ (на грузинском языке) Тбилиси, ир. Руставели № 42. Издательство ЦК КП Грузии. Типография издательства ЦК КП Грузии, Тбилиси, ул.и. Ленина № 14.

ფან 20 353130  
0662360 7613